

ԿՈՆՖԼԻԿՏՆԵՐԻ ՏԵՍՈՒԹՅՈՒՆԸ ԱՄԵՐԻԿԱՆ ՍՈՑԻՈԼՈԳԻԱԿԱՆ
ՄՏՔԻ ՊԱՏՄՈՒԹՅԱՆ ՄԵՋ

Ա. Ռ. ԶԻՋՅԱՆ

Մեր հասարակության՝ անցումային ներկայիս շրջանը հղի է սոցիալ-քաղաքական սուր հակամարտություններով և կոնֆլիկտներով: Այդ հանգամանքը հրատարակ է դարձնում սոցիալական կոնֆլիկտների էության, պատճառների և հատկապես դրանց կարգավորման եղանակների հետազոտությունը: Այդ տեսակետից արտակարգ նշանակություն ունի XX դ. ամերիկյան սոցիոլոգիական մտքի ուսումնասիրությունը: Նախ, այն պատճառով, որ XX դ. երկրորդ կեսից ամերիկյան սոցիալական ուսմունքները գրավել են համաշխարհային առաջատարի դերը: Եվ, երկրորդ, սոցիալական կոնֆլիկտների կարգավորմանը նվիրված այն բազմաթիվ հետազոտությունները, որ լույս տեսան ԱՄՆ-ում վերջին երկու տասնամյակներին, ընդհանրացնում են այն տպավորիչ հաջողությունները և փորձը, որին հասել է ամերիկյան հասարակությունը սոցիալական կոնֆլիկտների կարգավորման ասպարեզում:

Բայց նույնիսկ այսօրվա կայուն և բարգավաճող ամերիկյան հասարակությունը չի կարող լիովին ձեռքազատվել սոցիալական կոնֆլիկտներից: Ինչպես ընդգծում է Զ. Պենը, «հասարակությունը առանց շահերի սուր բխումների ավելի մեծ ուտոպիա է, քան անդասակարգ հասարակությունը»¹: Որպես զարգացած երկրների հասարակական կյանքը բնորոշող սոցիալական կոնֆլիկտներ նա նշում է շահերի այն հակադրությունները, որ տեղի ունեն ձեռնարկատերերի և աշխատավորների, վաճառողների և գնորդների, արհմիությունների և հասարակության, բոլորային սպեկուլյանտների և ազնիվ մարդկանց, պետական ֆինանսական համակարգի և հարկատուների միջև և այլն: Այնպես, որ ամերիկյան սոցիալական միտքը, ինչպես սոցիալական միտքը ընդհանրապես, իր ձևավորման տարիներից մինչև ամենհնավոր ասպազան գործ է ունեցել և ունենալու է սոցիալական կոնֆլիկտների հետ: Որպես այդ մտքի հաստատում նշենք, որ ամերիկյան հասարակության՝ 60-ական թվականների սոցիալական կոնֆլիկտների հետազոտությանը նվիրված գրքերից մեկում ձևակերպվել է հետևյալ ենթավերնադիրը. «Հանցագործությունը՝ ամերիկյան ապրելակերպ»²:

Ամերիկյան սոցիալ-փիլիսոփայական մտքի պատմությանը բնորոշ է եղել, մի կողմից, էմպիրիկ մոտեցումը սոցիոլոգիական հետազոտություններին, մյուս կողմից՝ հասարակական-պետական հաստատությունների, ինստիտուտների տիրույթի կարևորումը հասարակական կյանքում: Էմպիրիկ սոցիոլոգիայի ասպարեզում Միացյալ Նահանգները մշտապես եղել են համաշխարհային առաջատարի դերում: Արդեն XX դ. առաջին տասնամյակներին Միացյալ Նահանգներում իրագործվել են սոցիոլոգիական-հետազոտական մոտ 3000 ծրագրեր: Ավելին, սոցիոլոգիայի առաջին համալսարանական ամբիոնը նույնպես հիմնվել է ԱՄՆ-ում՝ Զիկագոյի համալսարանում, 1892 թ., և արդեն 1901 թ. սոցիոլոգիան դասավանդվել է ամերիկյան 189 համալսարաններում³: Ամերիկյան սոցիոլոգիան իր առաջին քայլ-

¹ J. Pen, *Harmony and Conflict in Modern Society*, London, 1966, p. 277.

² *Social Controversy*, Ed. by W. Petersen and D. Matza, Belmont, 1963, p. 94.

³ *История буржуазной социологии первой половины XX века*, М., 1979, с. 15.

լերից նպատակաուղղված էր դեպի հասարակական կյանքի ախտերի բուժումը՝ ուշադրության կենտրոնում պահելով հատկապես աղքատությունը, գործազրկությունը, քրեական հանցագործությունները և այլն:

Դարասկզբին ամերիկյան սոցիալ-փիլիսոփայական մտքի ձևավորման փուլում մեծ ճնշվածք դրուվելու ռենդի սոցիալ-տեսական ուսմունքների և էմպիրիկ-սոցիոլոգիական հետազոտությունների միջև: Այդ խնդրության վերացմանը նպաստեց ռեֆորմների միջոցով ամերիկյան հասարակագիտական մտքի ուղղվածությունը դեպի երկրի սոցիալական կարգավորումը⁴: Ռեֆորմիզմը որպես ամերիկյան սոցիալ-փիլիսոփայական մտքի կարևորագույն նպատակ է աղդարարել դեռևս կեսեր Ուորդը (1841—1913), Տեսական սոցիոլոգիան հասարակական կյանքի ռեֆորմներին ծառայեցնելու նպատակով էմպիրիկ նյութերը լայնորեն կիրառում էին ամերիկյան սոցիալական մտքի հայտնի դեմքերը, ինչպես է. Ռոսը, Ու. Սամները, Ու. Թոմասը, Ֆ. Գիդինգը, Ռ. Փարքը, է. Բերքսը և ուրիշներ: Ուրեմն, սոցիալական կոնֆլիկտների էության և դրանց կարգավորման խնդիրը ամերիկյան սոցիալ-փիլիսոփայական մտքի համար առաջնահերթ ու կարևորագույն հիմնահարցերից մեկը պետք է դառնար: Եվ իրոք, ամերիկյան սոցիալ-փիլիսոփայական և սոցիոլոգիական մտքի մեծագույն նվաճումներն են սոցիալական կոնֆլիկտների կարգավորման և դրա շնորհիվ համերաշխ ու կայուն հասարակական կյանքի կազմավորման գաղափարները և ուսմունքները:

Սոցիալ-փիլիսոփայական մտքի պատմության մեջ սոցիալական կոնֆլիկտների գնահատականը կարեւոր է քաժանել երկու մեծ խմբի: Դեռևս սոցիոլոգիայի «հայրը»՝ ֆրանսիացի մեծ մտածող Օգյուստ Կոնտը (1798—1857) առաջ էր քաշել այն տեսակետը, որ սոցիալական կոնֆլիկտները, խռովությունները, հեղափոխությունները սոցիալական օրգանիզմի հիմնադրվածություններ են, հիմնադրված վիճակներ, շեղումներ հասարակական կյանքի բնականոն ընթացքից: Կոնտի հետևորդները, ի դեմս սոցիալ-դարվինիզմի, այդ ուղղության հիմնադիր ավստրիացի սոցիոլոգ Լյուդվիգ Դուրկհայմը (1838—1909), սոցիալական կոնֆլիկտների հիմնահարցը դարձրին փրենց ուսմունքի առանցքը, բայց հանգեցին սոցիալական կոնֆլիկտների դերի հակադիր գնահատականին. սոցիալական կոնֆլիկտները ոչ թե հիմնադրված շեղումներ են, այլ հասարակական կյանքի բնականոն վիճակը և գործընթացն են ներկայացնում: Դարվինի ուսմունքը տարածելով մարդկային հասարակության մեջ գործող հարաբերությունների վրա՝ սոցիալ-դարվինիստները պնդեցին, որ հասարակական կյանքի ամենաբնորոշ կողմը կյանքի պայքարն է մարդկային խմբերի միջև, որի հետևանքով հաղթում և զոյաբեռում են ուժեղները, հասարակական կյանքին առավել հարմարվածները: Իսկ այստեղից էլ հետևում է մի կարևոր սոցիալ-քաղաքական եզրակացություն. հասարակությունում համերաշխ և խաղաղ կյանք է հաստատվում միայն այն դեպքում, երբ ուժեղ սոցիալական խավերը կարողանում են իրենց կամքը և իշխանությունը պարտադրել բոլոր մնացած խմբերին, ողջ հասարակությանը. այս տեսակետը կարծես թե մերժվեց արևմտյան զարգացած երկրների XX դ. սոցիալական պատմության կողմից: Ներկայիս արևմտյան հասարակությունը համերաշխ և կայուն սոցիալ-տնտեսական կյանք է վայելում, բայց այդ կարգավիճակը ուժեղ խմբերի բռնության շնորհիվ չի հաստատվել: Ցավոք, այլ երկրների պատմությունը, հատկապես նախկին խորհրդային հանրապետությունների ժայռաստիճան անկայուն և պայթյունալից սոցիալական ներկա վիճակը, կարծես թե հաստատում են սոցիալ-դարվինիզմի եզրակացությունը և տանում դեպի ռուժեղ ձեռքի իշխանություն:

⁴ A. Obershall, 'The Institutionalization of American Sociology (The Establishment of Empirical Sociology, New York, 1972, p. 227):

Հստ էություն, սոցիալ-դարձիներդմին մոտ է նաև մարքսիստական տեսակետը, քանի որ ըստ մարքսիզմի նույնպես հասարակական կյանքը և առաջընթացը պայմանավորված են սոցիալական անհաշտ կոնֆլիկտներով, որոնք ծավալվում են դասակարգերի միջև, թայց մարքսիստական տեսակետը ավելի ծայրահեղական է. սոցիալական կոնֆլիկտը, պայքարը դասակարգերի միջև ոչ միայն հասարակական կյանքի առանցքն է, այլ նաև պատմության շարժիչ ուժը, այն միջոցը, որի շնորհիվ իրականանում է հասարակական առաջընթացը։ Այլ խոսքով, ըստ մարքսիստական տեսակետի, սոցիալական կոնֆլիկտները ոչ թե պետք է կարգավորվեն, այլ ծայրաստիճան սրվեն և հասցվեն սոցիալական հեղափոխության։ Այսինքն, մարքսիզմի համար անընդունելի է ռեֆորմիզմը որպես հասարակական կյանքի կարգավորման և սոցիալական առաջընթացի ապահովման միջոց։ Նշված տեսակետից ամերիկյան սոցիալ-փիլիսոփայական մտքի հիմնական ռեֆորմատորական ուղղվածությունը եղել է հակամարքսիստական։ Ամերիկյան սոցիալ-փիլիսոփայական և սոցիոլոգիական մտքի պատմության ու հասարակական կյանքի ռեալ ընթացքի կարևորագույն և ուսանելի հիմնական եղրակացությունը հետևյալն է. համերաշխ և բարգավաճող հասարակություն կարելի է կառուցել ոչ թե կտրժանիչ սոցիալական հեղափոխությունների, այլ պետության, ողջ հասարակության կողմից մշակվող և իրագործվող նպատակապես սոցիալական ռեֆորմների միջոցով։

ԱՄՆ-ի սոցիալ-փիլիսոփայական և սոցիոլոգիական մտքի ներկայացուցիչների կարծիքով ռեֆորմիզմի տարածման հիմնական գործոնը դարասկզբի կապիտալիզմին բնորոշ կտրժանարար ու ավերիչ սոցիալական կոնֆլիկտները պետական մակարդակով հաղթահարելու դիտակցված հասարակական պահանջն է։ Տեղին է նշել, որ ԱՄՆ-ի ղեկավար խավերի այդ տեսակետի ձևավորմանը որոշ բացասական առումով «նպաստել» է նաև մարքսիզմ-լենինիզմը։ Ինչպես նշել են մի շարք հեղինակներ, դեպի ռեֆորմիզմը ամերիկյան պետական գործիչներին և գաղափարախոսներին մղել է նաև 1917 թ. ռուսական ավերիչ հեղափոխությունը, որի գաղափարավորությունը մարքս-լենինյան ուսմունքն էր⁵։

Ամերիկյան սոցիալական մտքի ռեֆորմատորական ուղղվածության հիմքը կազմում է հասարակական-տնտեսական և պետական-քաղաքական հաստատությունների տեսությունը, որը մշակել էին դերմանալի հայտնի սոցիոլոգ Մաքս Վեբերը (1864—1920) և նրա հետևորդները։ Չմերժելով մարքսիստական այն դրույթը, որ տնտեսությունը կարևորագույն դեր է խաղում հասարակության սոցիալ-քաղաքական կյանքում, Մ. Վեբերը հակադրվեց մարքսյան տնտեսական միակ գործոնի գաղափարին, ընդգծելով այնպիսի կարևորագույն գործոնների դերը, ինչպիսիք են գաղափարախոսությունը, եկեղեցին և պետությունը։ Պետական ի հասարակական հաստատությունները, ձևավորվելով հասարակության երկարատև էվոլյուցիայի ընթացքում, հետագայում ձեռք են բերում աներկբայելի ինքնուրույնություն և իրենց գործողությունների, նորմերի ու կանոնների շնորհիվ հասարակության անդամներին պարտադրում են որոշակի վարք և կարգավորվածություն։ Հասարակական և հատկապես պետական հաստատություններն ու կառուցվածքներն ճշգրիտ ընկալումը, բնական է, պետք է ծնունդ տար և հիմնավորել այն գաղափարը, որ սոցիալական կոնֆլիկտների կարգավորման գործում կարևոր դեր կարող են խաղալ պետությունը և հասարակական կառուցվածքները ընդհանրապես։

Ինստիտուցիոնալիզմի գաղափարը ԱՄՆ-ում ընդունվեց և հետագայում ստացավ հայտնի սոցիոլոգ Թոմաս Վեբլենի (1857—1929) աշխատությունների շնորհիվ։ Սոցիալական կյանքի, գործողությունների և

⁵ J. Pen, Harmony..., p. 54.

կոնֆլիկտների հիմքում թ. վերջինը տեսնում է սոցիալական նպատակների հասնելու մարդկային բնազդը: Զգտելով իրագործել նախանշված նպատակները, մարդիկ, բնականաբար, ստիպված են լինում մրցակցել, որն էլ հաճախ հանգեցնում է սոցիալական կոնֆլիկտների:

Ամերիկյան սոցիալ-փիլիսոփայական և սոցիոլոգիական մտքի հայտնի ներկայացուցիչներից մեկը, Պիտերիմ Սորոկինը (1889—1968) շեշտել է սոցիալական կոնֆլիկտների կարգավորման մի ալ կարևոր գործոն՝ հոգևոր արժեքները: Զգտելով մշակել մարդկային հասարակության պատմության ընդհանուր տեսություն, սյուդ թվում նաև սոցիալական հեղափոխությունների տեսություն, Պ. Սորոկինը, եկավ այն եզրակացության, որ սոցիալական հեղափոխությունները հնարավոր է էապես մեղմել, եթե դրանց հակադրվեն հոգևոր հեղափոխությունը, մարդկանց սոցիալ-մշակութային ինտեգրացումը: Հասարակական կյանքը Պ. Սորոկինը ձգտում էր բացատրել փոխազդեցության գաղափարի միջոցով. «Փոխազդեցության գործընթացները այն թելերն են, որոնցից հյուսվում է մարդկության պատմության պատկերը: Փոխներգործության հարաբերության հիման վրա են տարալուծվում քոլոր սոցիալական հարաբերությունները սկսած արտադրական ու տնտեսական հարաբերություններից և վերջացած կրոնական, իրավական ու գիտական հարաբերություններով»:

Սոցիոլոգիական իր ընդհանուր ուսմունքից Պ. Սորոկինը հանգում է այն եզրակացության, որ անհավասարությունը և հակամարտությունը հասարակության մեջ հավերժական են: Փոփոխվում են միայն անհավասարությունը ու հակամարտության ձևերն ու եղանակները: Մարդկանց միջև անհավասարությունը մշտական է այն պատճառով, որ մարդիկ անհավասար են իրենց բնածին ֆիզիկական և մտավոր կարողություններով:

Պ. Սորոկինի ուսմունքի որոշ գրույթները ընդունվել և զարգացվել են «սոցիալական վերահսկողության» տեսության հիմնադիրներից մեկի՝ էդուարդ Ո'նոսի (1860—1951) գործերում: Շատ արդիական և համոզիչ է հնչում է. Ո'նոսի տեսակետը այն մասին, թե ինչպես են ժամանակակից հասարակության մեջ հաստատվում հասարակական կարգը և նոր իշխանությունը: Դրա հիմքը ակտիվ և համախմբված սոցիալական խմբերն են: Նուանդուն պայթարի շնորհիվ միաձուլված քաղաքական խմբերին հաջողվում է իրենց վերահսկողությունը հաստատել ողջ հասարակության վրա և նվաճել պետական իշխանություն: Յուրահատուկ է ամերիկացի հիստորիկների դիրքորոշումը նաև սոցիալական կոնֆլիկտների մեկնաբանության հարցում: Ըստ է. Ո'նոսի, կոնֆլիկտների աղբյուրը անհատներն են, անարխիստական և հակամարտության նրանց հակումները: Իսկ հակամարտությունների կարգավորումը իրականացվում է հասարակական կառուցվածքների և հաստատությունների կողմից. որոնք վերահսկում և ուղղորդում են անհատների սոցիալական վարքը և գործողությունները:

Ամերիկյան սոցիալական մտքի գազաթնակետը, որով ԱՄՆ-ի գիտնականները ոչ միայն հարստացրին համաշխարհային սոցիոլոգիան, այլ նաև ստեղծեցին XX դ. երկրորդ կեսի ամենաազդեցիկ սոցիոլոգիական ուղղությունը՝ Տալկոտ Պարսոնսի (1902—1979) կառուցվածքային ֆունկցիոնալիզմն է: Տ. Պարսոնսի ուսմունքի կարևորագույն սկզբունքներից մեկն այն է, որ հասարակությունը փոխներգործող ուժերի հավասարակշռություն է, այդ հավասարակշռությամբ պայմանավորված կարգավիճակ: Դա նշանակում է, որ հասարակության կյանքում գլխավորը հասարակական խմբերի և ուժերի համագործակցությունն է, իսկ կոնֆլիկտը, ապակայունացնող հակամարտությունը մնում են հետին պլանում, համարվում երկրորդական:

⁶ И. И. Антонович, Буржуазная социологическая теория, М., 1933, с. 16.

⁷ П. Сорокин, Система социологии, т. I, Петроград, 1920, с. 320.

⁸ P. Sorokin, Social and Cultural Mobility, New York, 1964, p. 337.

Ուվ լի մոռացել XIX դ. կապիտալիզմի պատմությունը, XX դ. սկզբի համաշխարհային պատերազմը, Եվրոպայից մինչև Չինաստան բռնկված սոցիալական հեղափոխությունները և քաղաքացիական պատերազմները, նրա համար Տ. Պարսոնսի հավասարակշռության կոնցեպցիան լի կարող համոզիչ հնչելու Բայց քանն այն է, որ խոսքը վերաբերում է XX դ. 30—40-ական թվականներին Միացյալ Նահանգներին, որն արդեն հաղթահարել էր «մեծ ճգնաժամի» դժվարությունները և պրեզիդենտ Ռուզվելտի «նոր ծրագրով» ղեկավարվելով, իրոք, ոտք էր դրել կայուն զարգացման պատմական նոր փուլը:

Տ. Պարսոնսի տեսությունը էպիս նպաստեց ամերիկյան հասարակության մեջ այն տեսակետի գերակշռությանը, որի համաձայն հասարակական հավասարակշռության ապահովման և սոցիալական կոնֆլիկտների հաղթահարման հիմնական օղակը պետությունն է: Պետությունը իր հատուկ հաստատությունների միջոցով պետք է ուշադիր հետևի առավել գործուն և հզոր ուժերի փոխազդեցություններին ու մշտապես մշակի դրանց հավասարակշռությունը պահպանող միջոցներ, ծրագրեր, ռեֆորմներ: Հետևորդները, այդ հասարակության ներկայիս անցումային փուլի տեսանկյունից հատկապես ուշագրավ և ուսանելի է Պարսոնսի այն միտքը, որ հասարակական կյանքի հաստատությունն ու հավասարակշռությունը հիմնված են պետական կայուն օրենքների և դրանց անվերապահ կատարման վրա: Օրինապահության արտակարգ դերը մեր օրերում առավել ևս շեշտվում է այն հանգամանքով, որ հասարակությունը հեղեղվել է հանցագործություններով, և կազմակերպված հանցաշխարհը սկսել է հավակնել իրական իշխանություն:

60-ական թվականներին ԱՄՆ-ում ձևավորվեց և լայն տարածում ստացավ «ինդուստրիալ հասարակության» կոնցեպցիան: Այն հայտարարեց և հավաստեց հին, «վատ կապիտալիզմի» վախճանը և նոր, «լավ» կապիտալիզմի ծնունդը, որն այնքան արմատապես է տարբերվում հին կապիտալիզմից, որ դրա հանդեպ «կապիտալիզմ» տերմինն օգտագործելը սխալ է և ճիշտը «ինդուստրիալ հասարակություն» անվանումն է: Այդ գաղափարի հիմնական փաստարկը հետևյալն էր. հին կապիտալիզմի ամենաբնորոք գծերն էին կապիտալի և աշխատանքի միջև կոնֆլիկտը, բանվոր դասակարգի անխնա շահագործումը, սոցիալական ծայրատիճան անհավասարությունը: «Ինդուստրիալ հասարակությունում»՝ «լավ կապիտալիզմի» փուլում, սոցիալական սուր հակամարտության այդ պատճառները հիմնականում հաղթահարվում են, որի շնորհիվ էլ հասարակության մեջ հաստատվում և գերիշխում են համերաշխ համագործակցության հարաբերությունները:

Սոցիալական սուր կոնֆլիկտները սնող անհավասարության վերադմանը նպաստեցին մի շարք հանգամանքներ, որոնցից նշենք հատկապես հետևյալը. նախ, կապիտալիստական ֆիրմաների ղեկավարները և ամենամեծ եկամուտների տեր մարդիկ դարձան մասնագետ մենեջերներ՝ փոխարինելով այդ դիրքերում կապիտալիստական հարստությունների տերերին: Այսինքն, կապիտալիստական տնտեսության ղեկավարումը կապիտալիստների ձեռքից անցավ մենեջերների ձեռքը: Նույնը տեղի ունեցավ քաղաքական ասպարեզում: Կապիտալիստների դրածոների փոխարեն պետության և կառավարության գլուխ կանգնեցին հզոր կուսակցությունների ղեկավարները, որոնք առաջատարի դերը նվաճում էին անհատականության ու մշտքի շնորհիվ և ոչ թե կապիտալիստների քսակների օգնությամբ:

«Ինդուստրիալ» և «հետինդուստրիալ» հասարակության գաղափարախոսներն՝ Ռ. Արոնի, Պ. Լազարսֆելդի, Ռ. Դարենդորֆի, Ու. Ռոսսոուի,

Դ. Բոուլդինգի և այլոց եզրակացությունը սոցիալական կոնֆլիկտների վերաբերյալ բավականաչափ միանշանակ է: Կապիտալիստական հասարակության գլխավոր սոցիալական կոնֆլիկտը՝ կոնֆլիկտը կապիտալիստների և բանվոր դասակարգի միջև, հաջողվել է կարգավորել, սահմանափակել և խաղաղացնել, որ այն այլևս չի հանգեցնում հասարակության բոլոր ուժերը կլանող և կաշկանդող անհաշտ հակամարտության¹⁰: Իսկ դա նշանակում է, որ կապիտալիստական հասարակությանը զարգացման ներկա փուլում հաջողվել է հաղթահարել սոցիալական կոնֆլիկտների ամենագլխավոր պատճառը: Ընդ որում նպատակաուղաց ռեֆորմների միջոցով համերաշխ հասարակության ստեղծումը համընդհանուր կիրառություն կարող է ստանալ բոլոր հասարակարգերի, բոլոր ժողովուրդների և ժամանակների համար:

Սոցիալական կոնֆլիկտների կարգավորման առումով սոցիոլոգիական ուսմունքները, ներառյալ Պարսոնսի կառուցվածքային ֆունկցիոնալիզմը և նրա հետևորդների հետազոտությունները, զբաղվել են պաշտպանողական դիրքով: Հիմնական գաղափարը եղել է այն, որ պետք է ուշադիր հետևել կոնֆլիկտներ հարուցող առավել ազդեցիկ գործոններին և միջոցներ, ծրագրեր մշակել այդ գործոններին ազդեցությունը թուլացնելու ուղղությամբ: Հասարակական կյանքի կարգավորման նոր մոտեցում մշակվեց 50-ական թվականներին «նոր սոցիոլոգիայի» ուղղության մեջ, որի հիմնադիրը ամերիկացի սոցիոլոգ Ու. Ռ. Միլսն է: «Նոր սոցիոլոգիայի» տեսության համաձայն, սոցիոլոգիան պետք է առաջ ընկնի կյանքից, տեսական մտքի թռիչքի և ստեղծագործական երևակայության շնորհիվ մշակի հասարակության առաջընթացի ու կյանքի կարգավորման նոր և ադդյունավետ, հեռանկարային ուղիները¹¹:

Սոցիալական կոնֆլիկտների իմաստավորմանը նոր երանգ տվեց նաև ժամանակակից հայտնի սոցիոլոգ Ջոն Գիլբերտի «սոցիալական հասարակության» տեսությունը, որի հիմքում այն անհրաժեշտ փաստերի դիտարկումն է, որ ամերիկյան հասարակությունը վերջին տասնամյակներին հասել է տնտեսության կայունության, սոցիալական համերաշխության և բարգավաճ ապրելակերպի: Սոցիալական կոնֆլիկտները բնույթի բարձր մասնաանկյունից ուշադրավ է Գիլբերտի հետևյալ դիտողությունը. կապիտալիստներին և մեծահարուստներին այնքան են քննադատել, որ հաղթանակները սկսում է ընկալվել որպես բացասական երևույթ: Բայց աղքատները պայքարել են հարուստների դեմ ոչ թե այն պատճառով, որ միջին են հարստությունը, այլ որովհետև ցանկացել են տիրանալ ունեւոր խավերի հարստությանը, ձեռք բերել այդ հարստությամբ սպառնալից սոցիալական արտոնությունները¹²:

Ինչպես վերը նշեցինք, ամերիկյան սոցիալական մտքի կարևոր միտումներից մեկը եղել է ընդհանուր սոցիոլոգիական տեսությունների և էմպիրիկ սոցիոլոգիական հետազոտությունների միջև եղած ճեղքվածքը վերացնելու ձգտումը: Դրա արդյունքներից կարելի է համարել Ռոբերտ Մերտոնի «ֆունկցիոնալ միասնության» տեսությունը, որը, մի կողմից, շարունակում է զարգացնել Պարսոնսի կառուցվածքային ֆունկցիոնալիզմը, մյուս կողմից, «միջին շառավիղի» տեսությունների միջոցով ձգտում է հասնել սոցիալական կյանքում կիրառելի արդյունքների:

Ռ. Մերտոնի տեսությունում նկատելի տեղ է հատկացվում սոցիալ-մշակութային արժեքներին: Անհատների հասարակական գործունեության մեջ ամենաորոշիչը երկու գործոններ են՝ տվյալ հասարակության մշակութային ավանդույթներով պայմանավորված նպատակները և հասարակա-

¹⁰ D. Bell, The Coming of Post-industrial Society, New York, 1971, p. 119.

¹¹ New Sociology, New York, 1964.

¹² J. Galbraith, The Affluent Society, New York, 1969, p. 10-20.

կան կառույցաձևերով ու հաստատություններով ապահովված էկոնոմիկո-
սոցիալական նորմերը: Հակահասարակական վարքը և համապատասխան
սոցիալական կոնֆլիկտները տեղի են ունենում այն դեպքում, երբ խախտ-
վում է համասարակշռությունը այս գործոնների միջև: Լիստ Ռ. Մերտոնի,
հակահասարակական վարքը պետք է դիտարկվի որպես ճեղքվածք մշա-
կույթով պայստանվորված հավակնությունների և այդ ձգտումներն իրա-
կանացիելու և ոչխալական հնարավորությունների միջև: Ինչպես նշում են
որոշ հետազոտողներ, այս տեսակետից ամերիկյան հասարակությունը հա-
վասարակշռված չէ: Ամերիկյան սոցիալ-մշակութային ավանդույթները երի-
տասարդների մեջ ձևավորում են ամենամեծ հաջողությունների հասնելու
նպատակներ, բայց սոցիալական իրականությունը շարժված և սահմանա-
փակ հնարավորություններ է ընձեռում այդ նպատակներին հասնելու հա-
մար: Ընդհարվելով կյանքի իրողություններին, շտեմելով իր նպատակնե-
րին հասնելու օրինական ուղին, երիտասարդ ամերիկացին դիմում է հա-
կահասարակական, նույնիսկ հանցավոր միջոցների: Ընդհանրացնելով
նմանատիպ իրավիճակները՝ Ռ. Մերտոնը գրում է. «Երբ հշակութային ար-
ժեքների համակարգը բնակչության մեծամասնությանը թելադրում է բո-
լորից բարձր դասել հաջողությունների նվաճումը, իսկ հասարակության
սոցիալական կառուցվածքը քնակչության զգալի մասի համար սահմանա-
փակում է այդ նպատակներին հասնելու հնարավորությունները, այդ դեպ-
քում էլ առաջանում և մեծ չափերի է հասնում հակահասարակական վար-
քադիժը»¹³:

Թիացյալ նահանգների արդի սոցիոլոգիայում բավականաչափ տարած-
ված է Լ. Կոլերի տեսակետը, ըստ որի, սոցիալական կոնֆլիկտները, մըշ-
տապես հղի լինելով բացասական և աղետարեր հետևանքներով, հաճախ
հակամարտող կողմերին ու ողջ հասարակությանը հասցնելով ծանր կո-
րուստներ, այնուամենայնիվ, որոշ դրական դեպքեր են կատարում հասարա-
կական կյանքում: Ինչպես արտահայտվում են Դ. Պրուիտը և Ջ. Իուրինը,
«Կոնֆլիկտը այն հողն է, որը սնում է սոցիալական զարգացումը»¹⁴, Ջ. Պե-
նը իր մեծագրությունում սոցիալական կոնֆլիկտները դրական նշանակու-
թյան մասին գրում է. «Նույնիսկ կողմնակից շլինելով դիալեկտիկական մա-
տերիալիզմի տարրինակ մետաֆիզիկային, կարելի է միանալ այն կար-
ծիքին, որ սոցիալական զարգացման և առաջընթացի մի մասը պետք է վե-
րաբերվի սոցիալական կոնֆլիկտներին»¹⁵: Գիտակցելով սոցիալական որոշ
իրավիճակի առաջարկությունը և անիմաստությունը՝ անհատներն ու սո-
ցիալական խմբերը մտնում են սուր պայքարի մեջ, որն էլ ուշ թե շուտ
հանդեսնում է սոցիալական համապատասխան փոփոխությունների:

Ավելին, այս տեսակետի կողմնակիցները նույնիսկ գտնում են, որ
կոնֆլիկտը նպաստում է հակամարտող կողմերի հաշտեցմանը: Նրանց
փաստարկը հետևյալն է: Եթե հակադիր կողմերին թույլ չտրվի արտահայ-
տել տեփական տեսակետները և փոխադարձ պահանջները, ապա նրանց
հակադրվածությունը այդպես էլ չի վերանա: Իսկ կոնֆլիկտի և հակամար-
տության շնորհիվ պայքարող կողմերը ի վերջո գալիս են երկու կողմերին
բավարարող լուծման, որն էլ հաշտեցնում է նախկին հակառակորդներին:
Իրոք, կարծես թե ակնհայտ է, որ հաշտությունը կայանում է կոնֆլիկտի
շնորհիվ:

Նշված փաստարկները հիմնավորված են, բայց լուրջ ճշգրտման կարիք
ունեն: Բանն այն է, որ և՛ սոցիալական առաջընթացը, և՛ հակամարտ. կող-
մերի հաշտեցումը տեղի են ունենում կոնֆլիկտի հաղթահարման շնորհիվ:
Պատկերացնենք հասարակության վիճակը, եթե դրանում առկա սոցիալ-

¹³ R. Merton, Social Theory and Social Structure, New York, 1968, p. 199.

¹⁴ D. Pruit, J. Rubin, Social Conflict, New York, 1986, p. 6.

¹⁵ J. Pen, Harmony ... p. 277.

լական կոնֆլիկտը չի հաջողվում կարգավորել և հաղթահարել: Պարզ է, որ այսպիսի հասարակությանը վիճակված է ոչ թե առաջընթաց, այլ քայքայում և կազմալուծում: Նույնն է պատկերը նաև երկու հակամարտ ուժերի պայքարի դեպքում: Եթե նրանց միջև կոնֆլիկտը չհաղթահարվի և չկարգավորվի, ապա, իհարկե, կողմերի հաշտեցման մասին խոսք անգամ չի կարող:

Զգտելով ցուցադրել կոնֆլիկտի դրական սոցիալական դերը, Դ. Պրուիտը և Զ. Ռուբինը նշում են նաև, որ կոնֆլիկտը նպաստում է յուրաքանչյուր հակամարտող կողմի, սոցիալական խմբի միասնականության ամրապնդմանը: Կոնֆլիկտը միաձուլում ու կոփում է հակամարտ խմբերը, և ընդհակառակը, կոնֆլիկտի դադարեցմամբ թուլանում է խմբերի համախմբվածությունը և ի վերջո հասցնում նրանց կազմալուծմանը:

Այս ամենը այդպես է: Բայց, նախ, չափից ավելի երկարատև կոնֆլիկտի դեպքում նույնիսկ միաձուլվ խմբերը հլուծվում և ուժասպառ են լինում: Երկրորդ, եթե կոնֆլիկտը հասարակության տվյալ ենթահամակարգի ներսում է կամ էլ ներգրավում է ողջ հասարակությունը, ապա հակամարտող խմբերի միաձուլումը անխուսափելի է և անհաշտ է պայքարը: Ենթահամակարգի կամ համակարգի համար ամբողջությամբ վերցված պատկերը հակառակն է. որքան միաձուլված և վճռական են պայքարող կողմերը, այնքան ավելի ծանր ու կործանարար են կոնֆլիկտի հետևանքները: Ի դեպ, ի. Կոդերն էլ է նշել, որ պնդելով սոցիալական կոնֆլիկտների դրական, ինտեգրատիվ դերը, չի կարելի մոռանալ, որ սոցիալական կոնֆլիկտները մեծ մասամբ կործանարար հետևանքներ են ունենում հասարակության համար¹⁸:

Այս ճշգրտումը, երբ դրական դերը վերագրվում է ոչ թե բուն կոնֆլիկտին, այլ նրա կարգավորմանը, կարևոր է հետևյալ առումով: Եթե ընդունվի կոնֆլիկտի դրական գերի համոզմունքը, ապա դա կարող է կամային կամ մղել կոնֆլիկտների սրման և տարածման մտայնությանը, իսկ առաջարկվող ճշգրտումը ի սկզբանե տրամադրում է կոնֆլիկտները կարգավորելու և հաղթահարելու:

Կոնֆլիկտների կարգավորման կարևորության դիտարկումը էապես նպաստեց այն իրողության ձևավորմանը, որ ամերիկյան հասարակության ամենատարբեր ոլորտներում, հատկապես աշխատանքային և ընտանեկան կոնֆլիկտների ասպարեզում, վերջին երկու տասնամյակում պայթյունաձև տարածվեց սոցիալական կոնֆլիկտների պրոֆեսիոնալ կարգավորման շարժումը: Այն առաջ բերեց սոցիալական կոնֆլիկտների կարգավորման տեսության և մեթոդիկայի մշակման անհրաժեշտություն, որի հետևանքով ԱՄՆ-ում վերջին տասնամյակին լույս տեսան արժեքավոր և ուշագրավ մի շարք մենագրություններ և ժողովածուներ: Նախքան սոցիալական կոնֆլիկտների կարգավորման ամերիկյան մեթոդիկայի քննությանն անցնելը, տեսնենք, թե ինչ է ներկայացնում «կոնֆլիկտ» կոչվող հակամարտությունը: Որպես առավել սեղմ և ամփոփիչ սահմանում կարելի է ընդունել հետևյալը՝ սոցիալական կոնֆլիկտը անհամատեղելի սոցիալական շահերով պայմանավորված հակամարտություն է: Սրանից հետևում են սոցիալական կոնֆլիկտի հիմնական քննորոշ գծերը. երկու և ավելի հակամարտող կողմերի առկայությունը, նրանց ձգտումը՝ վնասազերծել կամ ընդհանրապես վերացնել մեկը մյուսին, կոնֆլիկտային իրավիճակի գիտակցումը հակամարտող ուժերի կողմից, կոնֆլիկտային հակամարտության բացահայտ դրսևորումը, այդ հակամարտության արձանագրման հնարավորությունը և այլն: Այս սահմանմանը ներդաշնակ են նաև կոնֆլիկտային իրավիճակի բաղադրատարրերի առաջարկված սխեմաները, օրինակ, Զ. Բերտոնի «միջուկային» մոդելը. կոնֆլիկտի «կարծր միջուկը» կազմում են օբյեկտիվ հակասու-

¹⁸ L. Coser. The Functions of Social Conflict, New York, 1956, p. 5.

թյունները, իսկ միջուկը շրջապատող փափուկ թաղանթը կազմում են սուբ-յեկտիվ բաղադրատարրերը, ինչպիսիք են թերմոբոնումը, փոխադարձ ան-պատահությունը, ինֆորմացիայի խեղաթյուրումը, հակառակորդի թշնամա-կան ստերեոտիպի ձևավորումը և այլն¹⁷:

Ամերիկյան սոցիալական մտքի գործնական ուղղվածությունը առավել ցայտուն է դրսևորվում կոնֆլիկտների հետազոտման և կարգավորման տե-սուխյան մեջ, որը կարելի է բնութագրել որպես կիրառական սոցիոլոգիայի հատուկ բնագավառի մեթոդիկա: Պ. Վեհրը կոնֆլիկտների հետազոտությունը արդյունավետ կազմակերպելու նպատակով մշակել է կոնֆլիկտային իրավիճակի քարտեզ կազմելու ուղեցույց, որի համաձայն կոնֆլիկտային իրավիճակը արդյունավետ հետադոտելու համար պետք է դիմել հետևյալ միակերպ քայլերին. կոնֆլիկտի համառոտ նկարագրություն, պատմության արձանագրում, հակամարտության միջավայրի պարզում, հակամարտող ուժերի բնութագրում, հակամարտություն առաջացնող և սնող պատճառների բացահայտում, կոնֆլիկտի ընթացքի ադիւնամիկայի արձանագրում, կոնֆլիկտի կարգավորման այլընտրանքային ուղիների մշակում և կար-գավորման ներուժակ գործոնների բացահայտում¹⁸: Պ. Վեհրի այս արժե-քավոր սխեման, այնուամենայնիվ, ունի այն էական թերությունը, որ դրա «ուղեցույցը» կառուցված է խառը ստրատեգիայով: Մի կողմից այն հեն-վում է կոնֆլիկտի ծավալման օբյեկտիվ գործընթացի վրա, մյուս կողմից նկատի ունի տվյալ կոնֆլիկտի սուբյեկտիվ ճանաչման աստիճանները հե-տադոտողի կողմից: «Ուղեցույցի» աստիճաններն ավելի հստակ կլինեին, եթե կառուցվեին այդ սկզբունքներից միայն մեկի հիման վրա: «Օբյեկտի-վիստական» ուղեցույցը կկազմվեր հետևյալներով. ա) կոնֆլիկտի ստա-տիկան՝ կոնֆլիկտի նախադրյալները և նախապատմությունը, բ) կոնֆլիկ-տի ադիւնամիկան՝ կոնֆլիկտային հակամարտության ծավալման պատմու-թյան հանգուցակետերը, գ) կոնֆլիկտի մարումը, ինչպես նրա բնական ըն-թացքի շնորհիվ, այնպես էլ հաշտեցնող ուժերի ջանքերով: Սուբյեկտիվ-իմացական սկզբունքի կիրառման դեպքում ուղեցույցի աստիճանները հե-տևյալը կլինեն. ա) կոնֆլիկտի արձանագրում, բ) հակամարտության պատ-մության հետադոտություն, գ) կոնֆլիկտածին պատճառների բացահայտում, դ) կոնֆլիկտի կարգավորման ջանքերի վերլուծություն:

Ամերիկյան սոցիոլոգների տեսական հետազոտությունները և կոնֆ-լիկտների կարգավորման փորձը ցույց տվեցին, որ սոցիալական կոնֆլիկտ-ների կարգավորման առավել արդյունավետ և նպատակահարմար ձևը հա-կամարտող ուժերի հաշտեցումն է երրորդ կողմի միջամտությամբ: Քանի որ միջնորդի՝ երրորդ կողմի դերը այնքան որոշիչ է սոցիալական կոնֆլիկտ-ների կարգավորման գործում, և նրա գործունեությունը բարդ է ու պատաս-խանատու, ապա միջնորդի դերում հանդես եկող անհատների և խմբերի հանդեպ որոշակի մեթոդաբանական բնութի պահանջներ պետք է ներկայաց-վեն: Ռ. Ուոլտոնը առանձնացրել է հետևյալ անհատական ու մասնագիտա-կան բնութագրերը, որոնց առկայությունը կարևոր է միջնորդական գործու-նեություն ծավալելու տեսակետից. ա) կոնֆլիկտների «ախտորոշիչ» ըն-դունակություններ և կոնֆլիկտների կարգավորման ուղիների մշակման կա-րողություններ, բ) փակուղային իրավիճակների հաղթահարման և հակա-մարտող կողմերի կաղապարված փոխհարաբերությունների վերափոխման վարքագծային արվեստ, գ) անհատական և մասնագիտական այնպիսի հատկություններ, որոնք միջնորդներին ընդունելի են դարձնում հակամար-տող կողմերի համար, դ) հակամարտող կողմերին զգացմունքային օգ-

¹⁷ J. W. Burton, Conflict and Communication, London, 1969.

¹⁸ P. Wehr, Conflict Regulation, Boulder, 1979, p. 18—22.

նությունն հասցնելու կարողություն, մասնավորապես, նրանց փոխադարձ վերաբերմունքի բարելավման ուղղությամբ¹⁹:

Երրորդ կողմի միջնորդական գործունեության կապակցությամբ ամերիկյան սոցիոլոգիայում բավականաչափ տարածված է այն տեսակետը, որ միջնորդը պետք է սահմանափակվի հակամարտող կողմերի միջև բանակցությունների կազմակերպման և բանակցությունների միջոցով կոնֆլիկտը հաղթահարելու հակամարտող կողմերի ջանքերին օժանդակելով: Այսինքն, միջնորդը, ըստ այդ տեսակետի, չպետք է իր վրա վերցնի կոնֆլիկտը կարգավորելու նախաձեռնությունը, պատասխանատվությունը և ակտիվ քայլերը, այլ պետք է հանդես գա որպես օժանդակ ուժ: Բնական է, որ այս հարցում պետք է ցուցաբերել տարբերակված մոտեցում: Եթե կոնֆլիկտը ստացն է ծայրահեղ սուր հակամարտության բնույթ և հակամարտող ուժերը ոչ ոքի չեն վստահում իրենց հիմնահարցի լուծումը, ապա միջնորդին մնում է սահմանափակվել հակամարտ կողմերի միջև փոխակցական կամուրջների կառուցմամբ: Բայց եթե հարաբերությունները հակամարտող կողմերի միջև դեռևս չեն ստացել անհաշտ թշնամանքի ձև, և նրանք կարող են ընդունել որոշ անհատների կամ պաշտոնական հաստատությունների միջնորդությունը, ապա միջնորդները իրավունք ունեն կոնֆլիկտի կարգավորման դործընթացում գրավել ամենաակտիվ դիրքեր:

Վերջին տարիներին ԱՄՆ-ի սոցիոլոգները հատկապես եռանդով են մշակում այսպես կոչված «հետադուտական մոտեցումը» սոցիալական կոնֆլիկտների կարգավորման հարցում: Այդ մոտեցման համաձայն, կոնֆլիկտը պետք է ընկալվի և՛ միջնորդի, և՛ հակամարտող խմբերի կողմից որպես լուծման ենթակա խնդիր, միջնորդ կողմի հիմնական նպատակը պետք է լինի հակամարտող խմբերում համապատասխան տրամադրվածության ստեղծումը՝ այդ խնդիրը միացյալ ջանքերով հետադուտելու և լուծելու համար²⁰: Որպեսզի այդպիսի համագործակցությունը հնարավոր լինի, միջնորդող կողմը առաջին հերթին պետք է հասնի նրան, որ հակամարտող կողմերը անհաշտ թշնամանքից փորձեն անցնել երկու կողմերի համար էլ ընդունելի լուծման որոնմանը: Միայն դրանից հետո կարելի է անցնել կոնֆլիկտային հիմնահարցի հետադուտման և ստեղծագործական լուծման փուլին:

Հետադուտական մոտեցման դեպքում «երրորդ կողմի» գործունեության մեջ Յ. Բերկովիչը առանձնացնում է հետևյալ շորս պահերը. հակամարտ կողմերի միջև փոխադարձ վստահության հաստատումը, ինֆորմացիոն-ախտորոշիչ գործունեությունը, այդ ընդգրկվում են նաև հակամարտող կողմերի ներկայացուցիչները, ինտեգրացման փուլը, երբ միջնորդի օժանդակությամբ և խորհուրդներով հակամարտող կողմերը փորձում են ձևակերպել ընդհանուր նպատակներ և մշակել կոնֆլիկտի հաղթահարման ուղիներ, հակամարտող կողմերի միջև ինֆորմացիայի փոխանակման քանակական և որակական բարելավում:

Հետադուտական մոտեցման միջոցով սոցիալական կոնֆլիկտների կարգավորման տեսության և պրակտիկայի ներկա փուլում նկատելի է հետևյալ թեթևությունը: Այս մոտեցման դեպքում կարևորագույն պահերից մեկը կոնֆլիկտի կարգավորման գաղափարի մշակումն է: Դա իր հերթին պահանջում է ստեղծագործական մտքի լարում, խնդիրների լուծման կարողությունների արդյունավետ կիրառում: Եվ տարօրինակն այն է, որ ամերիկյան կոնֆլիկտաբանները միանգամայն անտեսում են այն կարևոր մեթոդները, որ մշակվել են հենց Միացյալ Նահանգներում՝ հայտնի մեթոդաբաններ Ալեք Օսթրոմի և Ուիլյամ Գորդոնի կողմից: Պետք է հիշատակել աուդեալին գրոհի մեթոդը, որն անփոխարինելի է այն դեպքում, երբ խնդրի լուծման

¹⁹ R. E. Walton, *Interpersonal Peacemaking*, Reading, 1969, p. 131.

²⁰ J. Bercovitch, *Social Conflicts and Third Parties*, New York, 1973, ch. 2.

գործընթացը հայտնվում է փակուղային վիճակում: Նման իրավիճակից 'եւթ գտնելու համար կազմվում է տարաբնույթ փորձ ունեցող անհատների խումբ, որն անկաշկանդ մթնոլորտում, խմբային զգրոհով առաջ է քաշում բոլոր այն գազափարնեքը, որ կարող են օգնել փակուղային իրավիճակը հաղթահարելուն: Ակնհայտ է, որ ռուղեղային գրոհը կարող է արդյունավետ լինել նաև սոցիալական կոնֆլիկտների կարգավորման գաղափարների որոնման պրոցեսում:

Սոցիալական կոնֆլիկտների կարգավորման ամերիկյան հետազոտություններում առավել ուշագրավ են գործնական այն հանձնարարականները, որոնք ձևակերպվել են տեսական ուսումնասիրությունների և կոնֆլիկտների կարգավորման հարուստ փորձի հիման վրա: Ստորև ներկայացնենք սոցիալական կոնֆլիկտների կարգավորման որոշակի քայլերի հաջորդականությունը՝ հենվելով Պ. Վեհրի և Յ. Բերկովիչի հանձնարարականների վրա:

1. Հետազոտվող կոնֆլիկտի նախնական ընդհանուր սխեմայի (աբարտեզ) կազմում:

2. Կոնֆլիկտի միջնորդական կարգավորման ձեռնարկումից առաջ պարզել՝

ա) արդյոք կոնֆլիկտի նախնական սխեմատիկ բնութագրի հիման վրա կարելի է 'եզրակացնել, որ երրորդ կողմի միջնորդությունը արգասաբեր կլինի,

բ) արդյոք միջնորդության թեկնածուները բավարար վստահություն են վայելում հակամարտող ուժերի մոտ,

գ) արդյոք արդարացիված չէ՝ միջնորդությունը տվյալ կոնֆլիկտի այն առկեկտով սահմանափակելը, որի կարգավորումը առավել հեռանկարային է գիտվում,

դ) արդյոք դեռ շուտ չէ՝ կամ էլ արդեն ուշ չէ՝ տվյալ կոնֆլիկտի կարգավորման համար երրորդ կողմի միջամտությունը,

3. Միջնորդության մոտք:

Ըստ Պ. Վեհրի, միջնորդող կողմի մոտքը տվյալ կոնֆլիկտը կարգավորելու նպատակով պետք է ընթանա երկու նշանաբանով.

Միջնորդող կողմի հանդեպ բոլոր հակամարտող ուժերի կողմից վստահության ապահովումը: Ընդ որում, այդ վստահությունը պետք է հենվի ոչ միայն միջնորդի բարոյական հատկանիշների, այլ նաև նրա՝ որպես կոնֆլիկտներ կարգավորելու փորձագետի, կարողությունների և հեղինակության վրա:

բ) Բացահայտ անկողմնակալություն, որը պետք է գիտակցվի բոլոր հակամարտող ուժերի կողմից. բոլորին պետք է միանգամայն պարզ լինի, որ միջնորդող կողմի միակ շահագրգռվածությունը կոնֆլիկտի արդար կարգավորումն է:

4. Ստեղծել հակամարտող կողմերի բանակցությունները սկսելու և վարելու առավել բարենպաստ պայմաններ: Բանակցությունների համար պետք է այնպիսի տեղ և միջավայր ունենալ, որ հակամարտող կողմերը հնարավորին չափ վերանան կոնֆլիկտային վիճակից և կոնֆլիկտի արդյունքով ձևավորված միակերպ վարքից ու մտածելակերպից: Այդ կապակցությամբ Յ. Բերկովիչը գրում է. Վերջորդ կողմը չի կարող իրագործել իր նպատակներից ոչ մեկը և չի կարող կատարել միջնորդի իր դերը, եթե նախօրոք ձեռք չառնվեն սոցիալական և ֆիզիկական անհրաժեշտ միջոցառումներ:

Անհատները և մարդկային խմբերը կոնֆլիկտային իրավիճակներում հակված են կատարելու այնպիսի դերեր, որոնք համապատասխանում են կոնֆլիկտի իրավիճակին և հոգեբանական կլիմային: Եթե բանակցությունների իրավիճակը միաժամանակ և՛ պաշտոնական բնույթ է կրում, և՛ նման է կոնֆլիկտի արդյունքով ստեղծված իրավիճակին, ապա հակամարտող կողմերը կգտնվեն ուժեղ ճնշման տակ, ստիպված կլինեն գործել կոնֆ-

լիկտի ընթացքում ձևավորված նորմերի շրջանակներում, կշարունակեն կրկնել շարուն մեղադրանքները և արդարացնել պաշտոնապես արտահայտած իրենց տեսակետները²¹։ Իսկ եթե բանակցություններ վարելու համար ստեղծվել են այնպիսի պայմաններ և բարոյական այնպիսի մթնոլորտ, որոնք օգնում են հակամարտող կողմերին։ Դուրս գալ կոնֆլիկտի բնորոշ ճնշման և լարման ազդեցությունից, ապա կոնֆլիկտում ներգրավված ուժերը հնարավորություն են ստանում կենտրոնանալ կոնֆլիկտի վերլուծության և հաղթահարման վրա։

5. Կոնֆլիկտների կարգավորման հետազոտական մոտեցման համաձայն, հակամարտող կողմերի միջև բանակցությունները պետք է տեղի ունենան անմիջականորեն այդ կողմերի ներկայացուցիչների միջև և կրեն ոչ պաշտոնական բնույթ։ Ակնհայտ է, որ առանց «դեմ դիմաց» ընդարկումների հնարավոր չէ հասնել հակամարտող կողմերի տեսակետների բավարար չափով մերձեցմանը և երկու կողմերի համար էլ ընդունելի լուծումների մշակմանը։

6. Հակամարտող կողմերի միջև բանակցությունները պետք է տարվեն այնպիսի հունով, որ տեղ շտրվի կոնֆլիկտաբեր հետադարձությանը, և զարգացի ու սարսափի հետազոտական համադրության միտումը։ Բանակցությունների ընթացքում հնարավորին չափով պետք է խուսափել պաշտոնական շրջանակներից և պաշտոնական առաջնություններից։ Ի տարբերություն ավանդական բանակցությունների, սոցիալական կոնֆլիկտների կարգավորման հետազոտական մոտեցումը տրամադրում է ավելի ճկուն ստեղծագործական վարվելակերպի, ֆունկցիոնալ համադրությանը։

7. Վերահսկող հանձնաժողովի ստեղծում, որը պետք է հետևի կոնֆլիկտի կարգավորման նպատակով բանակցությունների ընթացքում մշակված և ընդունված որոշումների կատարմանը։ Միայն այդ որոշումների կատարումից և կոնֆլիկտի լրական վերացումից հետո կարելի է ընդունել, որ տվյալ կոնֆլիկտի կարգավորմանը նվիրված ջանքերը ավարտվեցին հաղթանակով։

Այսպիսով, սոցիալական կոնֆլիկտները հետազոտական մոտեցման եղանակով կարգավորելու դեպքում միջնորդող կողմից պահանջվում է՝

ա) հակամարտող կողմերին ըմբռնելու կարողություն, իհարկե, բացառելով կողմերից մեկի ազդեցության տակ ընկնելը և կողմնակալության դրոսեղումը,

բ) հակամարտող կողմերին «լսելու» կարողություն, որի շնորհիվ միջնորդը ձեռք է բերում նրանց վստահությունը և օժանդակում է թշնամանքի թուլացմանը,

գ) «Ժամանակի զգացում», որի շնորհիվ երրորդ կողմը որոշում է կոնֆլիկտին միջամտելու և արդյունավետ բանակցություններ սկսելու առավել հարմարավետ պահը,

դ) բուն իմաստով միջնորդելու կարողություն, որը ենթադրում է բանակցությունների պլանավորում, առաջ քաշվող գաղափարների հստակ ձևավակերպում, փոխզիջումների մղելու կարողություն և այլն,

ե) ստեղծագործական միտք և երևակայություն, որոնք հատկապես կարևոր են բանակցությունների ընթացքում առաջացող փակուղային իրավիճակների հաղթահարման համար,

զ) հաղորդակցման կարողություն, այդ թվում նաև հակամարտող կողմերի միջև հստակ հաղորդակցման ապահովում,

է) միջնորդող կողմի պրոֆեսիոնալիզմ, որը պահանջում է համատեղել հետազոտողի, ղեկավարի և կադմակերպչի կարողությունները։

Սոցիալական կոնֆլիկտների կարգավորմանը նվիրված գործնական հանձնարարականները ուղեկցվողական թնույթ են կրում, քանի որ վերա-

²¹ J. Bercovitc, 'Social conflicts...', p. 28.

բերում են սոցիալական կոնֆլիկտների կարգավորման գործընթացի ընդհանուր փուլերին և այդ քայլերը իրագործելու համար անհրաժեշտ կարողություններին: Դրանց հետ մեկտեղ, ամերիկյան սոցիոլոգները մշակել են մի շարք նուրբ և հետաքրքիր մարտավարական հանձնարարականներ, որոնք առավել համակարգված ձևով առկա են Դեբորա Կոլդի սոցիալական կոնֆլիկտների կարգավորման «դրամատուրգիական» կոնցեպցիայում²²: Այդ մարտավարական հանձնարարականներից թերևս առավել ուշագրավը հետևյալներն են.

ա) միջնորդ-մասնագետը հակամարտող կողմերի վրա հենց առաջին հանդիպման ժամանակ պետք է թողնի լուրջ և հմուտ, տվյալ կոնֆլիկտների ասպարեզում գիտակ պրոֆեսիոնալի տպավորություն:

բ) Պահպանելով շեղոքությունը հակամարտող կողմերի նկատմամբ, որոշակի հարցերի կապակցությամբ միջնորդը կարող է մասնավոր զրույցում այդ կողմի դիրքորոշումը լրիվ ընդունել, որի միջոցով շահում է համապատասխան կողմի վստահությունը:

գ) Միջնորդ կողմը մշտապես պետք է հոգ տանի, որպեսզի հակամարտող կողմերի կարծիքում ձևավորվի և պահպանվի իր միջնորդի, որպես մասնագետի և հասարակական գործչի բարձր հեղինակությունը, որի նպատակով ինքը՝ միջնորդը, պետք է համապատասխան ինֆորմացիա հաղորդի հակամարտող կողմերին:

Այսպիսով, ամերիկյան սոցիալ-փիլիսոփայական պատմությունը վկայում է, որ ամերիկյան գիտնականներին հաջողվել է ստանալ մի շարք կարևոր արդյունքներ ինչպես սոցիալական կոնֆլիկտների էության հետազոտության, այնպես էլ դրանց կարգավորման տեսության ասպարեզում: Հատկապես ուսանելի են պետական կարգավորման միջոցով հասարակության սոցիալ-տնտեսական կայունության ապահովման ընդհանուր սկզբունքը և երրորդ կողմի միջոցով սոցիալական կոնֆլիկտների կարգավորման տեսությունը:

ТЕОРИЯ КОНФЛИКТОВ В ИСТОРИИ АМЕРИКАНСКОЙ СОЦИОЛОГИЧЕСКОЙ МЫСЛИ

А. Р. ДЖИДЖЯН

Резюме

Теория социальных конфликтов и методов их регулирования в истории американской философской и социологической мысли XX века добилась очень важных результатов как на общетеоретическом, так и на прикладном уровнях. В общетеоретическом плане главным итогом можно считать разработку и детальное обоснование идеи обеспечения социально-политической стабильности общества путем государственного регулирования глобальных социально-экономических противоречий на базе реформирования и изменения соответствующих законов. В практическом плане в течение последних двух десятилетий в США получило громадное развитие движение по регулированию трудовых, семейных, международных и т. д. конфликтов с участием третьей стороны.

²² D. Kold, To be a Mediator (Journal of Social Issues, vol. 41, 1985, № 2, pp. 11—26).